

ЯНГИ ҲАЁТ УЧУН, ЯНГИ ЎЗБЕКИСТОН УЧУН!



12-oktyabr 2023-yil 41 (1039)



www.21asr.uz



@XXIasr_yangiliklari



XXIasrgazetas

xxi_asr@mail.ru



asr_xabarlari_news

ИФТИХОР

Маҳорат, матонат ва куч-ироданинг ўрни беқиёс эканлигини миллий терма жамоамиз аззолари яна бир бор исботлади.

Осиё ўйинларида эришилган бундай ютуқлар биз учун улкан аҳамиятга эга бўлиб, сизлар шу тариқа миллий спорт мактабимизнинг шон-шухратини, Ўзбекистон ёшларининг қандай буюк ишларга қодир эканини жаҳонга намойён этдингиз.

Ўз навбатида 2024 йил Парижда бўлиб ўтадиган 33-олимпия ўйинларида ҳам юксак чўққиларни забт этишингизга ишонаман!

Шавкат МИРЗИЁЕВ



ҒАЛАБАНИНГ ЎЗИ КЕЛМАЙДИ!

БЎЛМАСАМ-ЧИ! ҲАР ҚАНДАЙ ҒАЛАБА ОРТИДА КАТТА МЕҲНАТ ВА МАШАҚҚАТ ЁТАДИ. ШУ МАЪНОДА ХИТОЙНИНГ ХАНЧЖОУ ШАХРИДА ЎТКАЗИЛГАН XIX ЁЗГИ ОСИЁ ЎЙИНИЛАРИДА ВАТАНИМИЗ ШАРАФИНИ МУНОСИБ ҲИМОЯ ҚИЛГАН СПОРТЧИЛАРИМИЗ ШАЪНИГА ҲАР ҚАНЧА МАҚТОВ ВА ТАҲСИНЛАР АЙТСАК ШУНЧА КАМ.

Ҳар тўрт йилда бир марта ўтказиладиган ушбу мурасим спорт беллашуварларида қатнашган ўзбекистонликлар кўрсатган натижалар мақтовга сазовор. Тасаввур қилинг, дунёнинг 45 давлатидан келган 11 минг спортчи орасида ғолибликка даъвогарлар сони учта кўп эмасди. Хитой Халқ Республикаси, Япония, Жанубий Корея ва Ҳиндистондек мамлакатларнинг миллий терма командалари орасида умумжамоа ҳисобида бешинчи ўрин эгаллаш осон кечмади. Қанча асаббузарликлар, ҳакам-

ларнинг ғирромликка йўл қўйиши, ички ва ташқи муҳит таъсири... ҳамма-ҳаммасини енгиб ўтиш ҳар қандай командага насиб этавермайди.

132 нафар спортчи, 71 та медал! Аввалги Осиё ўйинларига солиштирганда рекорд натижа эканлиги бежиз эътироф этилмади.

22 та олтин, 18 та кумуш ва 31 та бронза медали!

Баҳодир Жалолов, Жалгасбай Бердимуратов, Улуғбек Рашитов, Ҳасанбой Дўсмагов, Абдумалик Халаков, Диёра Келдиёрова, Тамина Икромова, Севинч Раҳимова, Вилана Савадьян, Эвелина Аталаянц, Шарифа Давронова, Сафина Саъдуллаева, Музаффар Тўрабоев, Ольга Забелинская, Шохмурод Холмуродов, Нурислом Тўхтасин ўғли, Умид Эсонов, Артём Штурбабин, Ҳилола Ортиқбоева, Мухсин Ҳисомиддинов, Зайнаб Дайибекова, Плиего Лара Мария Паола, Херрера Лара Луиза Фернанда, Гулистон Пердебаева, Анна Пракатень, Шехроз Ҳақимов, Дилшоджон Худойбердиев, Давиржон Давронов, Алишер Турдиев,

Муроджон Йўлдошев... бу рўйхатни яна давом эттириш мумкин, албатта!

Ғолиблик шохсупасидан ўрин эгаллаган ҳар бир спортчи чин маънода қаҳрамон, Ўзбекистон ифтихори деган шарафли номга сазовор бўлди, десак муболаға қилмаймиз. Деярли барча спорт турлари бўйича бошқа номдор давлат вакилларида кам эмаслигимизни исботлаган йигит-қизларимиз номлари юртимиз тарихига зарҳал ҳарфлар билан муҳрланмоғига шубҳамиз йўқ. Уларни ҳеч иккиланмасдан Янги Ўзбекистонимиз спортининг фидойилари десак арзийди.

Бундай тенгсиз ғалабалар, улкан муваффақиятлар замирида шахсан Президентимиз ташаббуси билан мамлакатимизда жисмоний тарбия ва спорт соҳасини янада ривожлантириш, тараққий эттириш йўлида олиб борилган изчил ислохотларнинг фарахбахш натижаси, қувончли самараси ётибди, дейишга ҳақлимиз.

Сардор АМИНЖОНОВ

ЎZLIDEP ВА ДУНЁ

ЎЗАРО ҲАМКОРЛИК ИСТИҚБОЛЛАРИ КЕНГАЙМОҚДА



Сиёсий партиялар фаолиятида халқаро алоқалар қандай аҳамият касб этади, деган саволни қўйиш осон ва унинг жавоби ҳам жудда оддийдек туюлади. Ҳа-ҳа, фақат туюлади. Аслида ҳамкорликни йўлга қўйиш хамирдан қил суғургандай битадиган иш эмас. Ўрнатилган алоқани сақлаб қолиш ва ривожлантириш эса янада мушкулроқ. Бунинг учун ҳар икки томондаги сиёсий кучнинг мақсад ва ғояларида, электоратнинг савий-ҳаракатларида қандайдир ўхшашлик бўлиши, тараққиёт йўлидаги интилишларида уйғунлик кўзга ташланиши керак. Тадбиркорлар ва ишбилармонлар ҳаракати – Ўзбекистон Либерал-демократик партияси илгари сураётган ташаббуслар халқаро миқёсда ҳам ўз ўрнига эга эканки, жаҳондаги нуфузли сиёсий кучлар ҳамкорликни кучайтиришни тақлиф этапти. Ўзаро тажриба алмашиш, биргаликда эзгу муддаоларни амалга оширишга чорляпти. Мулоқотларнинг самарасини ҳаётга қўчиришга ундаяпти.

Давоми 3-саҳифада. ▶▶

БУГУНГИ СОНДА:

ХАЛҚ ИШОНЧИНИ ҲАР КИМ ҲАМ ҚОЗОНОЛМАЙДИ 4.

АМАЛЛАР НИЯТГА БОҒЛИҚДИР 5.

Қонун биринчи навбатда мажбурият юклаши керак! 6.

ОБУНА 2024

XXI АСРНИНГ 24-ЙИЛИДА ҲАМ "XXI asr" БИЛАН БИРГА БЎЛИНГ!

Обуна индекси - 406.
Мурожаат учун телефон: 71 255 68 50.

